

Renova MoU atu haforsa servisu ba moras zoonótiku iha Timor-Leste

Dili, 15 Setembru 2023

Memorandu de Entendimentu foun (MoU) entre Menzies School of Health Research (Menzies) no Ministeriu Agrikultura, Pekuaria, Peskas no Floresta Timor-Leste (MAPPF) asina ona iha semana ida ne'e hodi kontinua parseria ba kolaborativu.

Sekretariu Estadu Pekuária, MAPPF, S.E. Jose Viera de Araujo no Menzies nia Xefe Oficial Operasaun, Chris Pearce, asina ona MoU iha Eskritóriu Menzies Timor-Leste iha Dili iha loron 12 Setembru 2023.

Akordu foun ne'e ninia objetivu mak atu hametin liután rezisténsia antimikrobial (AMR) no uzu antimikróbiu (AMU) iha setór saúde animál. Ida ne'e mós sei promove aprosimasaun One-Health hodi kontrola brucellosis no moras zoonótiku sira seluk iha Timor-Leste.

MoU ne'e esplika kona-ba apoiu ba kapasitasaun ne'ebé la'o hela ba MAPPF no Menzies sei kontinua fornese ba Laboratóriu Diagnóstiku Veterináriu Timor-Leste (VDL). Menzies mós sei servisu hamutuk ho Diresaun Nasional Veterinária (DNV) iha Timor-Leste hodi ajuda haforsa sira nia abilidade iha área epidemiolojia no AMR.

Parseria entre Menzies no MAPPF dezde 2019 rezulta ona atinjimentu oioin. Ne'e inklui:

- hala'o vijilansia AMR ba manu sira iha munisípiu hotu iha Timor-Leste,
- dezvoltamentu kapasidade iha VDL nia laran,
- dezvoltave plataforma dijital ida hodi rejista dadus AMU nian no implementa ida ne'e iha munisípiu sira, no
- apoiu DNV atu hadi'a qualidade dadus AMR nian ba submisaun ba Organizaesun Mundial Saúde Animal (OMSA).

Agora daudaun iha projetu One Health hamutuk 3 ne'ebé la'o hela liu husi parseria:

- [Fleming Fund Country Grant to Timor-Leste](#) (desde 2019)
- [Brucellosis Reduction Using Co-design Elements in Timor-Leste](#) (BRUCE-TL) Project (desde 2022), no
- Bacteria Enteropathy and Nutrition (BEN) Study (sei hahú iha Setembru 2023).

Projetu hirak ne'e bele hala'o liu husi Fleming Fund Country Grant ba Timor-Leste, ne'ebé finansia husi UK Aid no jere husi Grupu Mott MacDonald, Sentru Peskiza Agrikultura Internasional Australia (ACIAR) no Universidade Nasional Australia.

Bele hatene liu tan konaba Menzies Timor-Leste nia projetu sira iha ami nia website: https://www.menzies.edu.au/page/Research/Global_and_Tropical_Health/Timor-Leste/

Sitasaun ne'ebé atribui ba Ministeriu Agrikultura, Pekuaria, Peskas no Floresta Timor-Leste Sekretariu Estadu Peskas, S.E. Jose Viera de Araujo:

"Ministeriu Agrikultura, Pekuaria, Peskas no Floresta (MAPPF) no Menzies School of Health Research sente orgulhu ho kolaborasaun dinámika no kolaborasau frutiferu ne'ebé iha ona durante tinan hirak foin lalais ne'e. Aliansa ne'ebé forte no hetan ona susesu signifikativu, ne'ebé reflète kompromisu ne'ebé fahe ba malu atu harii kapasidade no hasa'e inisiativa

prinsipál sira atu kombat rezisténsia antimikrobal, brucellosis no moras zoonótiku sira seluk."

Sitasaun ne'ebé atribui ba Menzies School of Health Research - Peskizador Senior no Lider ba Saude Animal, [Dr Shawn Ting](#):

"MAPPF no Menzies estabelese ona kolaborasaun ida ne'ebé forte no pozitivu iha tinan hirak ikus ne'e nia laran. Porezemplu, Laboratóriu Diagnóstiku veterinária ne'ebé iha inísiu laiha kapasidade atu hala'o teste susceptibilidade antimikrobiu, iha inísiu husi ami nia kolaborasaun ne'e prodús dados AMR ne'ebé konfiavel ne'ebé fundamental hodi informa desizaun polítika sira."

"MAPP mós ativamente kontribui dados utilizasaun antimikróbiu ba Organizasaun Mundial Saúde Animal iha opsaun relatóriu nivel aas liu. Kolaborasaun iha futuru sei buka atu promove rezultadu saúde animál no públiku iha Timor-Leste."

REMATA

Media contact:

In Timor-Leste: Communications Officer - Fausta da Costa

Phone: +670 7738 1210 | Email: fausta.dacosta@menzies.edu.au

In Australia, contact: media@menzies.edu.au

Menzies School of Health Research:

Menzies School of Health Research (Menzies) is one of Australia's leading medical research institutes dedicated to improving the health and wellbeing of Aboriginal and Torres Strait Islanders, and a leader in global and tropical research into life-threatening illnesses. Menzies continues to translate research into effective partnerships and programs in communities across Australia and the Asia-Pacific region.